

§. XXVIII.

Ceterum isthaec iuris Lubecensis in ciuitatibus Holsaticis auctoritas tanta non est, vt haec ius Saxonicum penitus oppresserit aut antiquauerit. Sed ipsa, quae lex est Holsatica vniuersalis, Ordinatione Prouinciali cautum, ex Saxonico iure peti ac desumi causae controuersae decisionem, nisi eam statutum Lubecense conceptis disertisque verbis contineat atque suppeditet. Id quod Ordinationis Prouincialis repetitae praelectionis Partis IV. Tituli VI. paragraphus 15. hisce repraesentat: Wann aber ein Fall für Recht käme, der im Buchstaben solches Lübisches Rechtes nicht begriffen wäre, so sollen die Städte vermüge und Inhalt der Priuilegien des Fürstenthums Hollstein folgen den Sächsischen Rechten und darnach sprechen, urtheilen und richten. Igitur inuestigandum nunc est, vtrum iure Lubecensi aeque ac Saxonico inter collaterales successio vicaria, quam repraesentationem vocamus, verbis praescripta sit et constituta expressis? Meuius, et, quem is consentientem adduxit, Cothmannus, id affirmant rationibus sat ponderosis et praegnantibus. Vid. Meuius ad Ius Lub. P. II. Tit. II. Art. I. n. 20. seq. Disertam enim Meuius ait iuris repraesentationis in successione obliqua mentionem in Statuti Lubecensis Partis II. Tituli II. articulis 18. et 22. iniici. Haec autem in dicto articulo 18. leguntur: Des Verstorbenen voller Bruder oder Schwester Kind ist näher Erbe zu nehmen als des verstorbenen Mutter oder Vater Schwester und Bruder. Dum itaque hic defuncto prior esse dicitur ipsius fratris filius vel filia quam patruus et auunculus itemque amita, et matertera, id non nisi iure repraesentationis seu vicariae successionis contingere posse tuentur. Porro articulus, quem dixi, 22. his absoluitur: Volle Brüder und Schwester Kinder nehmen Erbe vor halben Brüdern und Schwestern; so ferne der Erbnehmenden Kinder Vater oder Mutter unabgesondert gewesen; seynd sie aber abgesondert gewesen mit ihrem Theil Gutes, so

Nihilominus tamen legibus Saxonice in ciuitatibus etiam Holsaticis standum est, vbi causa controuersa non ex verbis conceptis ipsaque litera statuti Lubecensis decidi potest. Vtrum repraesentatio in successione collateralium iure Lubecensi obtineat? Rationes affirmantium recensentur.